

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

Dominica II. Adventus.

bilis. Inquit enim Christus: Cœlum & terra transibunt, verba autem mea non transibunt.

Cœlum in scripturis sic describitur, quod sit σπείρα firmamentum. Gen. i. v. 6. solidissimum, quasi ære fusum, Hiob. 37. v. 18. Terra quoque fundata est, super stabilitatem suam: non inclinabitur in seculum seculi. Ps. 104. v. 5. Nihilominus Christus de utroque ait: πάρεισθεντες, transibunt, & quidem ita, ut vel minimum vestigium non appareat, sicut hæc vocula usurpatæ de flore, Jac. 1. v. 10. tempore, Matth. 14. v. 15.

Sed de verbis suis ait, non transibunt: verum quæcumque in iis piis promisit, impiis vero minatus est, omnia implebuntur, ad minimum iota, aut apicem, Matth. 5, 18.

In serviant hæc

Consolationi nostra. Hominum promissiones saepe fallunt, exemplo Labani, qui Jacobo multa pollicitabatur, sed postea immutabat mercedem ejus decem vicibus, Gen. 31. v. 41.

Id in Christo metuendum minimè est. Citius enim montes & colles loco movebuntur, Esa. 54. v. 10. quam unum verbum p̄ætererit in cassum, Jof. 23. v. 15. Unde vocatur verbum vita, Joh. 6. v. 68. non modò ideo, quia is locutus est illud, qui verus Deus est, & vita æterna, i. Joh. 5. v. 20. sed etiam quia ad immortalitatem nos promovet, Joh. 8. v. 51. nec ullius homi-

nis violentiâ infringi potest, Vide Esa. 40. v. 7. 8.

Quid non tentarunt primi ethnici Imperatores? Quid non Pontificii nostro seculo, ut verbum DEI supprimèrent? Sed frustrà. Adhuc immotum stat verbum Christi: Cœlum & terra transibunt, verba autem mea non transibunt.

Verbum perennat firmiter,

In gratiis ipsorum:

Adsistit ipse jugiter,

Cum gratia donorum.

Si corpus occidunt,

Et omnia rapiunt.

Dimitte tu latus,

Est quæstus hic nullus,

Regni Dei qui certus.

Das Wort sie sollen lassen stahn/

Und kein Dank darzu haben:

Er ist bey uns wol auff dem Plan/

Mit seinem Geist und Gab. n.

Nehmen sie uns den Leib /

Gut Ehr/Kind und Weib /

Lahfahren dahin /

Sie habens kein Gewinn /

Das Reich muss uns doch bleiben.

Regnum videlicet gloria æternæ, quod Deus nobis omnibus ex gratia largiri dignetur, per & propter Christum, Dominum & Servatorem nostrum, Amen.

Dominica III. Adventus.

Evangelium, Matth. 11. v. 2. --- 10.

EXORDIUM.

Cum miraculosus ille Propheta Elias, vivus in cœlum aslumtus esset, filii Prophetarum in

Hiericho, non parùm ideo solliciti fuerunt, propterea accesserunt Elisam, dicentes: Ecce, cum servis tuis sunt quinquaginta fortis viri,

viri, qui possuntire, & quærere Dominum tuum, ne forte tulerit eum Spiritus Domini, & projecterit eum in unum montium, aut in unam vallum.

Etsia. Elisæus satis certus erat, Eliam verè in cœlum raptum esse: attamen permittebat id ipsis, quia tam sollicité instabant, ne amplius haberent causam dubitandi, sed certissimi forent, rem haud secus sese habere, quam dixerat ipsis. 2. Reg. 2. v. 16. leqq.

Hæc historia non inconcinnè Evangelio nostro congruit. Quemadmodum enim Elias Thesbitæ in cœlum adscenderat, filii verò Prophetarum credere id recusabant: sed spiritum Domini aliorum eum rapuisse arbitrabantur, ut antehac sapientius factum: sicut constat, ex 1. Reg. 18. v. 12. Sic promisus ille mundi Messias verè præsentiam suam exhibuerat, cuius desiderio Patriarchæ Vet. Test. miro desiderio flagraverant, Psal. 14. v. 7. Esa. 65. v. 1. Dan. 9. v. 19.

Sed Judæi expertinacia id credere nolebant, alium enim Messiam sibi imaginantur, qui excusso Romanorum jugo de cervicibus illorum, rerum se Dominos constitueret, & in libertatem pristinam vendicaret. Quia verò ipse non habebat, quò caput reclinaret, Matth. 8. v. 20. Despiciebant ipsum dicentes: Nolumus, hunc regnare super nos, Luc. cap. 19. vers. 14.

Alii ambigebant, utri horum honorem Messiae deferrent, Christoné, an Johanni Baptizæ, præcursori ejus. Hinc ansam capiebat Johannes, audiens in carcere, quæ miracula Christus patraret, rem planè expedire, & dubitantes ex errore liberare. Ablegatis itaque duobus discipulis suis injungebat, ut quærerent ex Christo: utrum ipse promissus

mundi Messias esset, an alium expectarent. Hoc non sui causâ fecit, digito siquidem Christum ostenderat, dicens: Ecce! agnus Dei, qui tollit peccata mundi, Joh. 1. v. 36. Sed propter alios, ut ex ipsis Christi ore perdiscerent, non aliter se rem habcre, quam ipsis hactenus exposuerat, præsertim si signa miraculosa conspicerent, quæ in ægrotis tum patrabat, ut pluribus ex Evangelio audiemus. Ex quo proposito nostro inservientes, discemus:

I. Αὐθεωπολογία, sive notitiam nostram.

II. Χριστιωνισμός, sive notitiam Christi.

J.J.

Exegesis.

Præsens Evangelium haud incongruè succedit priori, si gravissimas causas perpendamus, quæ filium Dei stimulant, ut in justa ira sua judicio se accingat, idemque acceleret. Piissimus enim Concionator Johannes, in Castello Macherunte in vinculis jacet, & tandem capite truncatur, dum interea Herodes cum concubina sua genio indulget, choreas agit, & lætitia exultat. At haud inultum finit id Deus, justus enim judex & vindicta est, Psal. 11. v. 8. Non verò omnia punit in hoc tempore: ergo certissimè fiet in die extremo, ubi iustum erit apud Deum, reddere iis qui affligunt nos, afflictionem. 2. Thess. 1. v. 6. 7.

Interēa notitiam nostram hinc discere possumus, si intuemur:

I. Johannis incarcerationem. Hic vir sanctissimus ab Herode carceri inclusus erat, non quasi homicida, aut fur, aut maleficus, 1. Petr. 4. v. 15. sed quod Herodem, qui conjugè legitimâ repudiata, cum Herodiade, Philippi fratri uxore

C in incep-